

※二、《雜阿含經》卷43(1172經)(CBETA, T02, no. 99, p. 313, b14-p. 314, a1):

如是我聞:

一時, 佛住拘睢彌國瞿師羅園。

爾時, 世尊告諸比丘:「譬如有四虺蛇[1], 凶惡毒虐, 盛一篋中。

時, 有士夫聰明不愚, 有智慧, 求樂厭苦, 求生厭死。

時, 有一士夫語向士夫言:『汝今取此篋盛毒蛇, 摩拭洗浴, 恩親養食, 出內以時。若四毒蛇脫有惱者, 或能殺汝, 或令近死, 汝當防護。』

爾時, 士夫恐怖馳走。『忽有五怨, 拔刀隨逐, 要求欲殺, 汝當防護。』

爾時, 士夫畏四毒蛇及五拔刀怨, 驅馳而走。

人復語言:『士夫! 內有六賊, 隨逐伺汝, 得便當殺, 汝當防護。』

爾時, 士夫畏四毒蛇、五拔刀怨及內六賊, 恐怖馳走, 還入空村, 見彼空舍, 危朽腐毀, 有諸惡物, 捉皆危脆, 無有堅固。

人復語言:『士夫! 是空聚落當有群賊, 來必奄[2]害汝。』

爾時, 士夫畏四毒蛇、五拔刀賊、內六惡賊、空村群賊, 而復馳走。忽爾道路臨一大河, 其水湍急, 但見此岸有諸怖畏, 而見彼岸安隱快樂, 清涼無畏, 無橋船可渡得至彼岸, 作是思惟:『我取諸草木, 縛束成筏, 手足方便, 渡至彼岸。』作是念已, 即拾草木, 依於岸傍, 縛束成筏, 手足方便, 截流橫渡。

如是士夫免四毒蛇、五拔刀怨、六內惡賊, 復得脫於空村群賊, 渡於湍流, 離於此岸種種怖畏, 得至彼岸安隱快樂。我說此譬, 當解其義。

比丘! 篋者, 譬此身色龜四大、四大所造精血之體, 穢食長養, 沐浴衣服, 無常變壞危

脆之法。

毒蛇者，譬四大——地界、水界、火界、風界。地界若靜，能令身死，及以近死；水、火、風靜亦復如是。

五拔刀怨者，譬五受陰。六內賊者，譬六愛喜。

空村者，譬六內入。善男子！觀察眼入處，是無常變壞，執持眼者，亦是無常虛偽之法；耳、鼻、舌、身、意入處亦復如是。

空村群賊者，譬外六入處。眼為可意、不可意色所害；耳聲、鼻香、舌味、身觸、意，為可意、不可意法所害。

浚流^[3]者，譬四流——欲流、有流、見流、無明流。

河者，譬三愛——欲愛、色愛、無色愛。

此岸多恐怖者，譬有身。彼岸清涼安樂者，譬無餘涅槃。

棧者，譬八正道。手足方便截流渡者，譬精進勇猛到彼岸。

婆羅門住處者，譬如來、應、等正覺。

如是，比丘！大師慈悲安慰弟子，為其所作；我今已作，汝今亦當作其所作，於空閑樹下，房舍清淨，敷草為座，露地、塚間，遠離邊坐，精勤禪思，慎莫放逸，令後悔恨！此則是我教授之法。」

佛說此經已，諸比丘聞佛所說，歡喜奉行！

[1] 𧈧(ㄨㄢˋ)蛇：土虺蛇。亦泛指毒蛇。（《漢語大詞典（八）》，p.866）

[2] 奄＝掩【元】【明】。（大正2, 313d, n.9）

[3] 浚(ㄐㄩㄣˋ)流:1.疏浚河流。《史記·河渠書》:“河 湯湯兮激滯浚,北渡汚兮浚流難。”2.深流。
(《漢語大詞典(五)》, p.1293)